

宣  
統  
新  
疆  
圖  
志

新疆圖志卷一百十

武功三

國朝

向榮字欣然四川大興人也少時捷足能追走兔嘉慶初教匪亂掠去既脫遂投効軍營隸提督楊遇春部下從征滑縣賊積功至偏裨道光六年張格爾之亂從征喀什噶爾復西四城勇冠軍中積功至副將賞花翎後收復武昌追賊至九江八戰八克遷湖北提督

阿喇納蒙古正黃旗人姓烏彌氏副都統阿南達長子康熙五十三年任散秩大臣五十五年十月

聖祖仁皇帝命往巴里坤參贊大臣揀選八旗察哈爾勁卒隨阿南達出兵舊人共四百名率之以行五十六年七月靖逆將軍富甯安由巴里坤分兵三道進勦阿喇納領首隊兵選五百人潛師襲賊邊界至烏蘭烏蘇擒哨賊二人用爲嚮導進兵至

烏魯木齊乃還五十八年七月率兵四千與將軍富甯安分道擊賊邊境進至齊克塔木擊破賊營擒斬二十人餘悉降之進次圖展回衆踞城守我師奮擊擒一人縱之歸令傳諭城中曰師行討逆非襲擊若等若速歸順赦勿誅否則城破悔無及矣回衆三百餘人皆降遠入吐魯番酋目沙克北珀爾等悉降附六十年六月吐魯番回人托克托馬木特等以萬餘人駐魯克齊木擊敗準噶爾兵乞內附阿喇納奉

上詔率精銳兵二千往駐吐魯番收撫其衆六十一年正月奉上詔議進兵勦賊機宜陳勝賊者五雍正元年七月疏言察哈爾兵久在行間遇軍營護軍校驍騎校補用但軍中出缺甚少較之未嘗効力及軍前撤還之人陞補較遲未爲平允請飭部酌議疏入

諭議征大臣曰允行十月進征青海羅卜藏丹津允撫遠大將

軍年癸堯請

命阿喇納率滿洲蒙古綠旗兵二千駐防布隆吉爾二年三月賊曾阿喇布坦蘇巴泰劫我邊境阿喇納遣總兵孫繼宗等率兵擊之追奔至推默爾賊兵拒戰大敗之賊竄還七月卒于布隆吉爾十一月喪還

命八旗蒙古大臣迎奠予祭葬如典禮諡僖恪以其子伍米泰襲世爵爲三等伯

欽拜滿洲廂紅旗人姓瓜勒佳氏康熙三十四年任頭等侍衛五十四年任散秩大臣雍正九年率右衛兵赴北路參贊大將軍馬爾賽軍務任內大臣十年順承郡王錫保奏欽拜實心辦事善于約束請調赴察罕度爾軍營時準噶爾犯北路爲額駙策凌等擊破西遁時經略大學士鄂爾泰在肅州派兵赴袁塔瑪哈戈壁堵勦賊由推河逃遁選兵七百追之十月

命著綬遠將軍十一年正月著建勳將軍時平郡王福彭爲定邊大將軍

命與欽拜等酌定方畧公同議行十二年協辦烏里雅蘇臺糧  
馬乾隆元年撤兵還京仍爲內大臣

鄂昌滿洲鑲黃旗人姓西林覺羅氏父鄂善雍正六年由舉人授  
戶部主事七年擢陝西甯夏道十年遷甘州布政使十一年  
命署陝西巡撫尋授四川巡撫乾隆十九年

上以甘肅存貯官茶擬運北路軍營備用

命鄂昌前往辦理五月授甘肅巡撫時大軍征準噶爾

命鄂昌辦理軍需疏言官兵自嘉峪關前赴哈密沿途多戈壁  
缺水草已檄弁兵相度開井並飭安西道督衛弁及哈密糧員  
多備草束運貯各站官兵卽到過行又疏言臣自嘉峪關至安  
西州查詢米價日增肅州輓運出關車戶衆多口食拮据兵民  
亦購買維艱冬末春初價必更昂貴請安西一廳五衛各倉存  
貯小麥出糶萬五千石以平市價又請於甘涼肅三府常平倉  
內籌撥倉糧六萬石酌量各處情形分別平糶民食軍需均有

裨益俱如所請

張廣泗漢軍廂紅旗人由監生捐納知府康熙六十一年選授貴州思州府知府雍正四年調雲南楚雄府知府雲貴總督鄂爾泰調黎平府知府五年擢貴州按察使尋擢貴州巡撫十年準噶爾擾喀爾喀游牧大將軍岳鍾琪率師赴西路奏由巴里軍營移駐木壘

上以廣泗才優數年來苗疆用兵深諳軍務命馳驛來京請訓授爲將軍七月大兵移駐木壘分路啟行廣泗統兵四千由鄂隆吉進與岳鍾琪所統兵萬二千會于科舍圖抵木壘是月上因岳鍾琪辦理軍務未協撤回

命廣泗護理大將軍印廣泗奏言木壘地處兩山間築城其中形同釜底受敵甚易制敵甚難實非屯軍之地查巴里坤地處平原南山綿亙數千里直至伊犁北山漸折而西南至科舍圖與南山合實爲巴里坤關鍵再西出烏蘭烏蘇口則北山已斷

南山之北卽屬沙磧是以康熙五十四年間大兵駐巴里坤可免賊人窺伺復疏言岳鍾琪調兵籌餉及統取將乖方情狀奏入

詔革鍾琪職九月奏言木壘駐兵不便請移駐科舍圖今臣周閱科舍圖路徑叢雜氣候寒苦難久駐臣不敢固執前議請盡撤兵至巴里坤駐守奏入報可十一月授正黃旗漢軍都統留軍營十一年廣泗引兵萬餘分駐北山十二年偵賊伏烏爾圖河檄副都統班第達什原任總兵張元佐遊擊郎建業及固原提督樊廷分路搜勦至哈洮遇賊官兵奪據山梁越噶順抵鄂隆吉大坂斬賊四百餘生擒獲三十六糧馬器械無算捷聞諭曰張廣泗調度分遣悉合機宜得獲全勝甚屬可嘉從優議叙尋議加三級十三年五月以準噶爾乞和撤大軍還

唐喀祿蒙古正藍旗人姓他塔喇氏雍正十三年

詔授理藩院堂主事乾隆六年遷員外郎十九年七月賞給副

都統銜赴北路軍管理新降輝特台吉阿陸爾撤納班珠爾等  
游牧二十九年九月

命護送濟隆呼圖克圖由巴林赴伊犁十二月管理定邊右副  
將軍薩喇爾游牧二十一年四月

詔授爲領隊大臣隨同哈達哈辦事五月

命率駐防扎布堪兵一千隨大軍赴哈薩克索叛逆阿睦爾撒  
納固爾班和卓潛遁烏梁海唐喀祿報定邊右副將軍哈達哈  
馳勦擒之得

旨嘉獎授副都統賜孔雀翎尋阿睦爾撒納黨達瓦藏布由額  
爾齊斯糾烏梁海博博等肆劫唐喀祿以兵五百授索倫總管  
鄂博什擒降其衆三百餘又咨會副都統舒赫德派兵赴額爾  
齊斯駐防閏九月

命駐科布多辦事二十三年正月

諭曰阿桂等奏稱和碩齊唐喀祿遵旨將哈薩克使臣送至邊



界卽前往額爾齊斯之和尼邁拉呼布空郭勒地方塔勦沙喇伯勒通逃賊衆著傳諭伊等奮勉擒剿勿致免脫三月定邊將軍兆惠奏土爾扈特舍稜等謀竄俄羅斯

命唐喀祿與和碩齊速往勦塔四月偵舍稜伏阿古爾哈爾海率兵追至布固圖河舍稜等勞章札卜被擒詭爲兄乞降唐喀祿未信和碩齊遽縱之還越日舍稜詭約降且獻酒和碩齊飲之請唐喀祿造其營賊忽謀唐喀祿及侍衛富錫爾穆倫保佛爾慶額力戰死參贊大臣阿桂以聞

諭曰唐喀祿雖誘遇害尙能奮勉捐軀深爲惻憫著交部照陣亡例議卹侍衛富錫爾穆倫佛爾慶額等亦著交部議卹尋

命入祀昭忠祠給騎都尉世職

和起滿洲廂藍旗人姓馬佳氏乾隆十四年調甯夏副都統十九年五月

命偕侍衛海福率甯夏兵千赴北路軍營七月以達瓦齊就擒

甯夏兵還仍令和起統之尋

命偕提督豆斌爲巴里坤辦事大臣二十一年正月和起奏言涼州甯夏等處所解馬疲斃過多臣派員在巴里坤分牧俟臆壯挑用仍先照數補解以利軍營請將委員議處部議

上從之二月給欽差大臣關防五月

諭曰和起在巴里坤辦事甚屬黽勉著馳驛來京面聆訓示再往軍營同參贊大臣兆惠籌辦一切事宜十一月輝特台吉巴雅爾叛掠扎哈沁五百餘里定邊右副將軍兆惠令和起率索倫兵百往勦檄吐魯番伯克莽阿里克及厄魯特兵集闕展而噶勒丹特宰桑哈薩克錫喇布魯古特台吉尼瑪陰應巴雅爾詭以兵五百會和起望兵至疑之令莽阿里克往覘給告曰我兵也逾時尼瑪等操戈前莽阿里克自後謀賊衆遂起我兵僅百人負重創和起手刃數賊股中鎗徒步轉戰至夜力盡死之遺命索倫侍衛努古德彰全布突出以所帶孔雀翎爲識往告

巴里坤大將軍以聞

諭曰和起効命疆場捐軀報國忠節可嘉深爲憫惻著照傅清拉布敦之例加恩贈卹賜祭葬入祀賢良昭忠二祠諡武烈賞一等子爵以其子和隆武襲二十三年逆賊尼瑪及其子就擒命于起墓前伏誅

傅爾滿洲廂曰旗人姓富察氏雍正二年授漢軍鑲黃旗副都統尋授兵部右侍郎九年七月赴北路軍營効力授參贊大臣十年準噶爾掠喀爾喀額駙策凌等敗之子額爾德尼昭賊由推河遁去將軍馬爾賽擁兵不追傅爾以機不可失請兵殺賊至跪求不從事聞馬爾賽坐罪伏誅十二年八月

命偕內閣學士阿克敦副都統羅密宣諭準噶爾台吉噶爾丹策凌十三年三月還

達爾黨阿滿洲鑲黃旗人乾隆二十年隨大軍勦準噶爾任參贊大臣在哨探兵隊前進五月大軍定伊犁

上獎達爾黨阿奮勉九月

命偕參贊大臣哈達哈勦叛賊阿睦爾撒納十月

命率兵一千赴西路軍營掌定邊右副將軍印十一月改參贊大臣二十一年正月

命瑪特納格爾辦事二月奏言薩喇爾已抵吐魯番臣與台吉噶爾藏多爾濟等卽赴西爾哈阿濟爾罕約會進勦

詔獎經理合宜八月達爾黨阿統大軍至雅爾拉偵哈薩克二千餘賊伏山谷中誘之出奮勇督擊斬五百七十餘級生擒十一人復追至努喇慶戰斬三百四十餘級生擒十人阿睦爾撒納易服遁九月捷聞賜雙眼花翎哈達哈尋亦奏捷奉

旨嘉獎二十四年正月搜捕沙喇斯瑪呼斯逸賊二月大軍勦回曾霍集占

上以達爾黨阿及哈達哈歷練由巴里坤送馬阿克蘇八月將軍富德等敗霍集占于阿爾楚爾及伊西洱庫爾淖爾達爾黨

阿均在事有功二十五年二月卒於軍營

莽喀察滿洲廂白旗索倫人姓納喀塔氏由馬甲從征準噶爾任藍翎侍衛乾隆二十三年正月隨領隊大臣努三等偵叛賊哈薩克錫喇擒其黨摩羅達什扎卜等於拜塔克任三等侍衛十月隨將軍兆惠勦回曾霍集占於葉爾羌二十四年二月任二等侍衛閏六月隨參贊大臣明瑞追霍集占至霍斯庫魯克賊六千餘據嶺拒我兵北至者九百莽喀察奮勇陷陣鏖戰三時賊潰斬五百餘級捷聞得

旨嘉獎授頭等侍衛賜丹巴圖魯號二十五年

命在乾清門行走

上以西域既定頒賞論功

特詔圖諸功臣像於紫光閣論其功尤赫者五十人

親製題贊次則斬將擐旗建一績致一命者亦圖其形

命儒臣系之以詞又五十人莽喀察預焉二十七年叙功

詔授雲騎都尉

張元佐原任總兵爲張廣泗部將與郎建業分路剿賊至哈洮與賊遇據山梁越噶順抵鄂隆吉達坂斬賊四百餘生擒賊三十六奪糧馬噐械無算

瑪瑞墨爾根巴圖魯也乾隆乙亥以來連年用兵瑞身經三千餘戰皆斬將率旗無敢爭鋒呼爾滿之戰身陷賊陣傷十餘處以帛裹傷復戰花門降胡無不咋舌將軍上其功

上召還京陛見備陳戰狀

上阻涕聽

命厚賚以酬其勳封護軍統領禁旅宿衛

明山滿洲正藍旗人姓伊爾根覺羅氏累官至陝西巡撫乾隆三十三年擢陝甘總督三十七年三月奉

旨授副都統

命爲烏魯木齊領隊大臣疏言烏魯木齊增駐滿兵三千于城

西北建官署兵房由內地撥綠旗兵千五百乘春建造備今秋滿兵移駐但計綠旗兵四月方到工而滿官今秋出口卽需駐房臣酌撥烏魯木齊差屯兵二百先行工作俟內地兵到接辦修市肆百間收租備恩賞暨公用移涼州理事同知駐烏魯木齊新城以資彈壓從之四十四年九月卒

愛隆阿滿州正黃旗人姓覺爾察歷官至黑龍江左翼齊齊哈爾副都統尋調白都訥副都統乾隆二十一年授領隊大臣赴巴里坤軍營二十二年五月借參贊大臣富德追擒叛賊巴雅爾至愛登蘇遇哈薩克阿布賚部衆突出與戰數次哈薩克卽歸附恩予議叙八月自巴爾楚克至濟爾哈朗接續台站搜勦賊於沙喇博和什嶺遇都爾伯特納木奇游牧乞降旋遁去愛隆阿追及殺千餘人納木奇遂納款九月收厄魯宰桑烏魯木齊游牧百餘戶于察罕烏蘇十月大兵撤回濟而哈朗

命愛隆阿辦理軍務尋駐守濟爾哈朗巴里坤適中地十二月

領兵策應阿里衮追勦沙喇斯等賊二十三年正月隨靖逆將軍雅爾哈善進討波羅泥都霍集占六月大兵圍庫車城賊來援愛隆阿等與戰於戈壁勦殺甚衆霍集占親率賊赴救愛隆阿等率吉林及索倫兵追敗之于鄂根河殺溺死者無算十月隨將軍兆惠至葉爾羌城率左翼後隊兵與霍集占賊衆接戰時靖逆將軍納木扎爾將至葉爾羌愛隆阿領兵截喀什噶爾路來援並巡查台站至托罕塔罕遇賊勦殺百人十月卽任參贊大臣與定邊右副將軍副德策應兆惠二十四年正月率右翼兵敗賊于呼爾瑞及葉爾羌河與兆惠合二月駐烏什兼防喀什噶爾三月仍在領隊大臣上行走閏六月兆惠奏言愛隆阿在軍營頗効力前議敘明瑞等遺漏未及得旨補行議敘尋給雲騎尉世職八月隨富德追勦霍集占于西洱庫爾淖爾十一月巡查台站值瑪呼斯賓巴等賊謀劫察罕烏蘇臺站愛隆阿領兵追襲勦獲殆盡事聞



諭曰愛隆阿一聞瑪呼斯餘孽欲行搶掠卽領兵盡勦賊衆此  
次奮勉更非尋常可比蓋大功旣成此等逸賊並未責伊專辦  
卽使逃脫伊亦不至獲咎乃聞信卽行俾逆黨不致漏網而台  
站得以無虞可謂急公任事大臣官員等果能如此存心何功  
不就從前賞伊雲騎尉世職着加恩賞給騎都尉二十五年凱  
旋奉

旨授正白旗護軍統領兼甯白旗蒙古副都統二十六年

命圖形紫光閣

巴靈阿滿洲正黃旗人乾隆二十一年三月遷二等侍衛任察哈  
爾總管三十二年二月得坤都爾巴圖魯號

命赴巴里坤軍營尋授領隊大臣八月在博羅齊搜勦厄魯特  
賊衆遇伏戰歿賜卹如例給雲騎尉世職

張曜字朗齋順天大興人也原籍浙江錢塘燃匪之亂曜以國勇  
敗賊僧王召見奇之卽具疏保薦從軍討賊初擢知縣繼擢知

府尋擢河南布政使賞穿黃馬褂懋平奉

命討甘肅回匪同治八年左宗棠移督陝甘曜軍歸其節制甯

夏平

詔擢廣東陸路提督肅州平

詔賞戴雙眼花翎時哈密尙未解圍曜與宋慶馳勦破之十三年春出屯哈密興水利墾荒地歲獲糧萬石以濟軍食光緒二  
年春諸將次第出關收復北路多藉哈密屯糧三年三月規復  
南路劉錦棠自烏魯木齊起徐占彪自巴里坤起張曜自哈密  
起三路約期齊發錦棠克達坂而南曜與占彪會於鹽池克奇  
克騰木破闕展及連木沁魯克沁而西嵩武軍及湘軍同會於  
吐魯番遂降其二城其下南八城也曜則剿撫兼施拒者攻之  
降者撫之二年之內八城悉平左宗棠保以曜識畧最優才兼  
文武籌剿籌撫曲協機宜尋又另片奏改文職入京陛見

詔加太子太保銜授山東巡撫

徐占彪四川順慶府西充縣人也光緒二年出關駐軍巴里坤運哈密糧以濟金劉二軍三年三月踰天山與嵩武軍會於鹽池克闕展勝金台連木沁等城與湘軍共攻吐魯番馬人泰出降白彥虎西遁西下八城勢如破竹南疆平左宗棠保奏請賞頭品頂戴八年三月補巴里坤鎮總兵

董福祥字星五甘肅固原州茈渠井人也同治七年投効劉松山剿回匪松山攻金積堡陣亡復隸劉錦棠部下肅州平光緒二年從劉錦棠出關與譚上連譚拔萃金順攻拔古牧地收復烏魯木齊金軍攻瑪納斯南城久不下錦棠福祥等助之不二旬遂克其城其下南八城也福祥與張俊等自阿哈布拉沿途置哨壘至曲惠兩營以俟大隊克烏什敗安夷收復喀喇沙爾庫車兩城無戰不克左宗棠保奏請遇有提督缺出儘先題奏及克西四城也戰無堅陣攻無完城和闐之復專軍攻取厥功尤偉左宗棠保奏以福祥敦樸勇敢治軍廉明懇恩破格優獎光

緒十年劉錦棠彙奏云提督董福祥樸訥勇敢堅忍善戰自金積堡立功後蕩平新疆南北兩路陷陣衝鋒赴機迅速凡遇巨寇攻拔險要無不身先士卒親冒矢石故能戰勝攻取猛厲無前該提督生長西陲於邊徼地勢賊情灼見深知所部將卒大都關隴土著習水土而知其心置諸邊要實堪一而之寄察其忠勇頗有原任陝甘提督臣潘育龍原任太原鎮總兵臣王進寶之風又另片保奏云福詳於同治八年投効臣叔父劉松山部下見其打仗奮勇飭令管帶董宇步隊三營頗著勞績迨臣任事以後隨同轉戰無役不從所向皆捷現充董宇定遠各軍分駐和闐葉爾羌各城紀律嚴明兵民相安深資得力該員之勇忠果決質樸寡言臨陣決機膽識俱備實係邊才之選求之領隊之中不可多得其所帶營勇多係關隴土人能耐勞苦駐防關外尤爲相宜等語當時語論者以爲知人十二年十月著阿克蘇鎮總兵十五年正月升著喀什噶爾提督二十年奉

旨入京欽賜太子少保

張俊甘肅固原州人也同治八年劉松山勦回匪時俊與董福祥並投効焉奮勇敢戰十二年肅州平光緒二年出關先平北路後收南疆俊從董福祥攻戰頗有勞績劉錦棠保奏云董福祥部將張俊勇敢善戰不避艱險且有機略與福祥同里相友善自從征戰戮力一心歷久不渝蓋亦隴產中將才之傑等語均稱其實也十五年三月署烏什副將十六年二月署伊犁鎮總兵二十一年二月署喀什噶爾提督

羅長祐湖南湘鄉縣人也光緒二年隨劉錦棠出關勦賊戰古牧地收烏坦城助攻瑪納斯南城與黃萬鵬董福祥譚拔萃連營犄角旬餘破之戮安明尸俘偽帥海玉及其攻達坂也諸將羅列擒胖色提而大小頭目無一得脫其下吐魯番也三軍環攻俘馬人秦而纏回安夷數萬乞降逮二年之中八城俱下功存百戰績著三軍左宗棠飛章疊奏以羅長祐文武兼資器識凝

卓請

旨破格錄用並賞穿黃馬褂在南路屯軍數年兵民安輯九年劉錦棠保奏以長祐識畧過人練習邊務隨臣出塞已逾十年運籌決策所向有功兩經奏懇鴻恩破格錄用該員總理臣軍務統領湘軍駐防阿克蘇和輯將卒撫慰邊民悉能得其懽心辦理從無遺誤誠一時邊才特出之選九年著阿克蘇兵備道譚上連漢中鎮總兵也光緒二年出關爲前鋒譚拔萃繼之余虎恩又繼之均聽劉錦棠節制上連進軍古城分兵守茂及台色畢口大石頭三個泉護運糧道時馬人泰踞烏垣白彥虎踞紅廟子馬明踞古牧地錦棠與金順計先取古牧地撤烏垣藩籬遂進軍阜康六月戊申上連與董福祥領步隊出中路黃萬鵬余虎恩率馬隊分左右翼賊敗入城官軍盡抵古牧地馬隊列山前嚴陣以待步隊攻山壘及南關皆克之以開花礮攻城丁巳克其城馳至烏垣賊皆潰遁上連與譚拔萃追搜逸賊馳至

大小鹽池直抵柴窩又助金順攻瑪納斯南城皆下北路略平大雪封山兵難踰嶺明年三月攻達坂城上連與戴宏勝率隊列城後山阿既阻援賊又截去路侯名貴昇開花礮連環轟戰城中火起賊奔出者無一得脫上連同羅長祐等急赴吐魯番會張曜徐占彪合攻滿漢城漢城賊乞降於是馳攻托克遜克其城而南疆門戶洞開矣由是西進勢如破竹一月之中行三千里半年之內復七八城戰必勝攻必取於上連首屈一指焉南疆平屯軍喀什十一年由西甯鎮總兵署烏魯木齊提督十二年九月移署喀什噶爾提督十五年正月實授喀什噶爾提督十六年卒於任

余虎恩湖北人也以陝安鎮總兵光緒二年出關與譚上連譚拔萃並爲前鋒戰古牧地而策馬直前追鹽池而領隊恐後其攻達坂城也列兵城左戰吐魯番也奮勇陣前收庫爾勒則獨當一面取阿克蘇則勇冠三軍擒陳元追胡里俘于小虎無戰不

克八城收復虎恩之功有足多焉左宗棠保奏以遇有缺出儘先簡放得

旨允行

黃萬鵬湖南人也光緒二年出關與余虎恩並領馬隊古牧地之戰譚上連譚拔萃董福祥等以步隊搗其中萬鵬與虎恩以馬隊分兩翼於是破山壘下南關古牧城潰直搗烏垣金順之攻綏來月餘不下萬鵬之率勁旅一舉而克及其取喀什也虎恩軍其城北萬鵬軍其城東日中而師方集未明而城已拔見幾之決臨陣之勇當以萬鵬爲巨擘焉南疆平左宗棠保奏以萬鵬勇往無前每戰必克等語非過獎也十五年署喀什回城副將十六年補授阿克蘇鎮總兵二十年署喀什噶爾提督二十一年署巴里坤鎮總兵

金順字和階吉林滿洲人初從多隆阿管帶吉林馬隊驍勇善戰曉暢戎機穆圖善督辦陝甘軍素悉順謀勇請充當翼長及左



宗棠移督陝甘順幫辦軍務關隴肅清順首倡出關之策宗棠甚壯之光緒二年順以馬步二十營至巴里坤繼進至古城又移濟木薩時馬明暉古牧地劉錦棠與順計先取古牧約金軍駐阜康城南湘軍屯城東九營街六月戊申一戰而夜襲黃田再戰而城克古牧取昌吉如拾芥收景化如反掌惟綏來南城城小而固銳師屯於堅城之下不得不呼助將伯矣羅譚與董來助攻者二三將馬步諸隊壯軍威者一十營掘偽王之墓尸戮妥明奉逆帥之旗首梟海玉兵洗雪海逆匪從此寒心威振伊犁俄人因之奪氣及湘蜀嵩武諸軍削平南疆規復伊犁分三路進師宗棠以順主東路進軍精河撥卓勝軍二千餘人爲之助知其能獨當一面也七年和議成俄人交還伊犁全境肅

清

詔順接收安輯其衆其功有足多焉

袁堯齡安徽來安縣人也光緒二年同劉錦棠出關天山南北無

役不從新疆平請回安徽原籍劉錦棠保奏曰浙江題奏道袁  
堯齡曉暢戎機深達治體向在臣軍辦理營務身臨前敵忠信  
明決宣力邊疆十有二年始終如一每有獻替深合機宜如破  
格錄用必能有裨時局不負任使等語紀其實也光緒十三年  
三月著喀什噶爾兵備道

恩澤滿洲人隨金順出關掃蕩逆氛戰功最著新疆平劉錦棠保  
奏以恩澤廉公不阿學識淹通在金順軍中襄贊戎幄素以正  
派著名臣所稔知等語

上嘉獎之歷署烏魯木齊巴里坤領隊整頓營伍興屯勸學具  
有成效蓋一時將才之傑也

劉宏發補用提督也從張曜金順出關有戰必克遇城卽破天山  
南北蕩平劉錦棠保奏以宏發膽識俱優勇略出衆効命邊疆  
勞績懋著洵邊將之卓卓者如破格錄用必於邊塞大有裨益  
等語得

旨報可

劉世俊張曜部將也分領嵩武軍出關戰無不陷之陣攻無不克之城張曜倚爲左右手新疆平劉錦棠保奏以世俊英毅勇敢卓卓不羣隨張曜金順出關効命邊疆勞績懋著如破格錄用足勵戎行而鼓士氣等語得

旨報可

田九福湘軍將也光緒二年三年平新疆南北兩路累立戰功擢副將留屯南疆數年著有勞績左宗棠保奏以九福著免補副將以總兵交軍機處記名遇有總兵缺出請

旨簡放並賞加提督銜十六年三月以阿克蘇中營游擊著阿克蘇鎮總兵六月卸事

譚萃拔甯夏鎮總兵也光緒二年出關爲前鋒戰古牧地所向披靡攻綏來城無完堞追白彥虎於布告爾一戰卽克躡安集延於託利賴萬回乞命克庫車而兵不血刃拔阿克蘇而回慶再

生拒者戮降者安一日夜間馬行二三百里殆所謂淮陰之兵疾趨如風偃齊猶草者拔萃有焉西征諸將當於拔萃首屈一指新疆平左宗棠保奏以拔萃勇略冠羣才堪應變經歷行陣二十餘年先後剿辦髮捻回匪各逆肅清全疆由勇目累功歷保今職實授總兵分領徧師無役不從實一時將臣中出色當行堪勝專閫之任者皆舉其實非虛譽也尋又奏云提督譚拔萃前經恩賞給騎都尉世職著改爲一等輕車都尉世職奉旨允行



新疆圖志卷一百十一

忠節一

漢

莎車王延於元帝之世爲侍子於京師慕樂中國及王莽之亂匈奴畧有西域他國競相歎服唯延不肯附屬嘗救諸子當世世奉漢家不可負漢他屬也時中國適有新莽之禍而匈奴乘間張大逼侵諸國延以憂卒子康立康能善述父志率旁國力拒匈奴擁衛故都護吏士妻子千餘口檄書河西問中國動靜竇融乃承制立康爲漢莎車建功懷德王西域大都尉五十五國均屬焉

關寵已校尉也屯西域柳中孝明帝永平十八年北匈奴興師圍於柳中城時耿恭亦被匈奴後車師圍共上書求救詔公卿會議之司空倫以爲不宜救司徒鮑昱曰今使人於危難之地急而棄之外則縱蠻夷之暴內則傷死難之臣誠令難恃後無邊

患可也匈奴如復犯塞爲寇陛下何以使將可令敦煌酒泉太守各將精騎二千以赴其急帝然之乃遣征西將軍耿秉屯酒泉行太守事遣酒泉太守段彭與謁者王蒙皇甫援發張掖敦煌三郡及鄯善兵合七千餘人以救之乃甫解耿恭之圍師未至柳中竈師敗沒寵死於難

陳陸於永平十七年爲西域都護十八年肅宗崩焉耆以中國新喪不暇西顧遂攻陳睦全軍皆沒至永元六年班超發西域諸國兵討焉耆收焉耆王至陳睦故城斬之

郭恂初從班超使西域斬匈奴使後陳睦爲都護恂爲校尉永平十八年爲焉耆攻沒

索班元初六年爲西域長史屯伊吾車師前王及鄯善王皆來降後數月北匈奴與車師後王共圍攻索班班力戰死之至延光二年班勇攻破車師後王捕軍就及匈奴使於索班沒處斬之

隋

張定和爲大將軍大業五年四月遣兵繫吐谷渾不克西域諸國  
來朝獻地置西海等郡吐谷渾伏允見隋軍威不敢降遁去遣  
其名王詐稱伏允保軍戎真山帝遣大將軍張定和等率軍討  
之戰沒於陣

唐

袁光庭爲伊州刺史吐蕃攻之屢年不下糧竭力盡自焚死時不  
達音問者十餘載德宗建中二年郭昕使至朝廷始知之贈工

部尙書

唐書忠義傳

馮嘉賓爲御史中丞景龍二年西突厥寇邊遣馮嘉賓使突厥遂  
死於突厥

牛師獎爲安西都護景龍二年馮嘉賓死於突厥師獎遂與突厥  
戰於火燒城死之

石演芬西域人李懷光畜爲假子懷光與朱泚通謀演芬遣客郗  
成義詣行在言懷光無破賊意請罷其總統成義洩其言懷光



召演芬罵曰爾爲我子奈何欲破吾家今日負我宜卽死對曰  
天子以公爲股肱公以演芬爲腹心公負天子我安得不負公  
且我胡人免賊名而死死甘心矣懷光使左右饋食之事聞贈  
兵部尙書

來濟庭州刺史也龍朔二年西突厥來寇死之

金

馬慶祥字瑞甯本名蘇爾濟蘇西域人遷居臨洮以馬爲氏後又  
徙居渾州天山歷官鳳翔府路兵馬都統判官元光元年與元  
兵戰於滄水兵敗被執不屈死之

元

沁布阿咱爾

原作金齊  
字子仁

高昌人官監察御史劾權相旺嘉奴十

罪出爲贛州路達嚕噶齊摘奸發伏一郡肅然屬汝穎盜起陷  
屬邑數遣兵復之以功拜行省參政分省於贛陳友諒兵圍城  
日環甲登陴拒守斬脅降賊使力戰四閱月兵疲食盡萬戶某

戶某欲舉城降遂自剄贈諡傲哀

元史忠貞傳

巴延布哈德濟字蒼崖輝和爾氏駙馬都尉中書令丞相封高昌王舒蘇德濟之孫駙馬都尉浙江行省丞相封荆南王多喇德濟之子也個儻好學曉音律歷官至江東道廉訪使順帝至正十八年陳友諒遣賊黨王奉國寇信州巴延引兵往援賊陷城自刎賜諡桓敏

道通高昌人自號石巖性深沉寡言以世胄入官歷清要素負能名加大司徒後守撫州城陷爲陳友諒兵所害諡忠烈

明安喀喇氏至元二十年授定遠大將軍中衛親軍都指揮使明年賜佩虎符領桂齊軍北征又明年立桂齊軍都指揮使司命爲木衛達魯齊二十九年以功陞定遠大將軍桂齊軍都指揮使司達魯齊大德二年復將兵北征與海都戰歿於陣

阿喇勒烏蘇回鶻巴鄂爾氏仕其國爲千夫長太祖征西域駐蹕巴鄂爾之地阿喇烏蘇率其部曲來降從帝親征既破瀚海軍

又攻輪臺高昌于闐塔什干等糜戰不克歿於軍中

博羅特穆爾

原字穆爾  
本兒

字國賓高昌人爲襄陽路達嚕噶齊奉行省檄

援穀城與賊相持而襄陽失守乃率衆二百人且戰且退遇沔陽府達嚕噶齊耀珠等因糾合義兵破賊於楊湖港又敗諸潛江縣會賊大至力戰抵暮身被數創麾從子瑪哈實哩使去曰吾以死報國汝毋留此從子泣曰死生從叔父既而被執賊請同爲逆怒罵之遂遇害從子帥家奴求其屍復與賊戰均沒於陳舉家死者三十六人

布琳尼敦北庭人官山南廉訪使按臨所部威惠翁然至正十二

年寇犯中興以兵抗禦射賊多死賊稍却明日賊復擁衆襲東門力戰被執不屈死

巴延布哈

字蒼崖輝和爾氏駙馬都尉中書丞相封高昌王

舒蘇之孫也

官江東道廉訪副使引兵援信州

擊走賊將王奉國後數日賊復來攻奮擊大破之幾擒奉國而

陳友諒弟友德繞城樹木柵攻益急遣叛人高義來誘降巴延布哈數其罪斬之由是日夜與賊鏖戰糧竭矢盡氣不少衰拒守五閱月至殺老弱爲食士疲不能戰萬戶奎瑪里以城叛遂自刎其將援信州也南望泣下曰吾上報天子下拯生民餘皆無所恤所念者太夫人耳入拜母鮮于氏曰兒今不得事母矣母曰汝爲忠臣吾死何憾乃命其子奉母避福建以印信送行御史臺竟力守孤城而死諡桓敏

完也本傳

明

巴延資中官吏部侍郎西域人初爲建昌教授江西盜起授分省都事使守贛州陳友諒破贛巴延資中間道走閩陳友定知之辟爲行省員外郎巴延資中出奇計收復建昌浮海如元都獻捷遷吏部侍郎持節發廣東何真兵救閩至則真已降于廖永忠巴延資中墮馬求死不得折其一足永忠釋之乃變姓名浪跡江湖問明太祖求之不得簿錄其妻子巴延資中竟不出常

齋鳩自隨誓不復仕江西布政使沈立本言於朝以幣聘巴延  
資中慨然曰死晚矣爲歌七章飲鳩死

多通高昌人仕江西行省平章政事其將巴延布延布哈扞禦數  
有功左承和尼齊來江西專兵柄素與多通不能且貪忍不  
得將士心陳友諒攻城急見城且陷夜遁去多通因退保撫州  
謀集兵再圖恢復爲騎所追遂遇害元順帝二十八年

國朝

高天福張掖人甘肅提標守備以招撫噶爾丹至哈密爲賊所執  
迫脅不屈支解之明

班第蒙古鑲黃旗人姓博爾吉濟特氏乾隆二十年正月

詔征準噶爾北路以班第爲帥授定邊將軍五月兵抵伊犁準  
部悉降達爾亦瓦就擒捷上封一等誠勇公駐劄伊犁辦事七  
月阿睦爾撒納叛逆黨克什木等糾喇嘛纏回鑾起爲亂班第  
等率兵五百奪路歸賊萬衆圍之轉戰至烏蘭庫圖勒烏蘭庫圖勒兵

敗力不支與參贊鄂容安殉焉廿二年大軍再定伊犁歸其喪上親臨奠醊設義烈以所擒逆黨阿巴噶斯克什木巴朗誠耳以祭特建雙忠祠 御製詩旌之並圖形紫光閣嗣又建祠

伊犁賜額曰漠陞競烈

滿名

鄂容安滿洲鑲藍旗人大學士設文端鄂爾泰長子乾隆二十年以參贊大臣出西路準部平賜所襲三等伯爵號襄勤阿睦爾撒納叛與班第同陷賊力盡自剄柩至京祭葬建祠如班第設

剛烈

滿名

和起滿洲鑲藍旗人姓馬佳氏乾隆二十一年

命爲欽差大臣駐巴里坤會輝特台吉巴雅爾等叛率索倫兵百人往勦檄吐魯番伯克莽噶里克集兵闕展而布魯特台吉尼瑪潛通賊詭以兵來會和起望兵至疑之命莽噶里克往偵給告曰我兵也逾時尼瑪等操戈前莽噶里克自後謀賊潛集我兵百人皆負重創和起手刃數賊股中槍徒步轉戰至夜盡

死之

詔贈一等伯設武烈諭年尼瑪及其子就擒於和起墓前伏誅

漢名  
臣傳

巴靈阿以領隊大臣在巴里坤軍營乾隆二十二年八月搜勦厄魯特賊衆至博羅齊遇伏戰歿賜卹如例準部平列名次等功

臣五十人中

漢名  
臣傳

奇撤布滿洲人以侍衛在西路軍營派監包沁包沁者厄魯特司礮之名也阿睦爾撒納叛包沁潛通賊圍其帳奇徹布毫無懼色徐腰箭手弓跨馬賊近前者皆應弦倒且戰且走得一大柳樹自障賊圍之數匝弗敢逼天暮乃散去賜舒布圖鎧巴圖魯勇號 御製長歌旌異之未幾追叛賊巴雅爾至愛登蘇突

遇哈薩克部衆力戰歿於陣

漢名臣傳  
臣傳注

滿福滿洲鑲藍旗人姓瓜勒佳氏乾隆二十二年以都統駐吐魯番時沙拉斯等既降復叛滿福往勦遇賊於背色嶺擊之賊敗

走僞遣人乞降且言賊酋已就擒請除道迎滿福信之行次哈喇和落徑險林密急麾前隊返賊千餘突出林中我兵僅二百餘遂被圍力戰負創墮溝中死之設武毅圖形紫光閣廣云

許世隆甯夏人官甘肅永固營參將隨征至巴爾庫爾廣云歿於陣

馮琇甯夏人官固原參將隨征至木魯烏素歿於陣

石寅涼州鎮把總乾隆二十年運糧西路遇賊力戰陣亡

楊朝柱武威人官甘州提標守備乾隆二十一年冬與外委楊玉柱解馬至西路軍營行至克什克兔遇賊力戰陣亡

張有賢西甯鎮標千總乾隆二十一年運送西路牛羊遇運賊力

戰陣亡

甘肅通志及甘州志

鄂實滿洲鑲藍旗人大學士鄂爾泰次子嗣其叔父御史鄂禮後乾隆二十三年以前鋒統領從征霍集占於葉爾羌三戰殺賊甚多將軍兆惠偵賊糧重屯城南英莪奇盤山取道城東往襲渡黑水橋半未橋圮賊旅拒鄂實力戰與原任都統三格侍衛



特通額均歿於陣設果壯三格設剛勇並圖形紫光閣三格姓

棟鄂氏滿洲正白旗人

漢名戶傳

高天喜甘肅西甯人從征準噶爾以功擢守備二十二年將軍兆惠被圍欲馳救參將邁斯漢怯不進

詔褫其職卽以天喜代爲參將明年三月擊哈喇沁宰桑恩克圖等於庫隴癸山夜攜礮登山敗賊擢總兵十月隨大軍赴葉爾羌勦霍集占兆惠謀由城東渡轉戰至城南襲賊輜重留天喜督修黑水橋渡未半賊突遮天喜聞兆惠陷陣中亟舍橋衝入塵戰死之設果義 御製詩軫悼謂爲綠營第一人圖形

紫光閣

圖名

納木扎爾蒙古正白旗人姓圖伯特氏積功封一等勤襄伯乾隆二十三年授靖逆將軍會勦霍集占等

詔同參贊三泰往會兆惠於葉爾羌以二百餘騎乘夜進遇賊三千被圍力戰死之三泰與侍衛奎瑪岱均鬪死贈納木扎爾

公爵諡武毅三秦子爵諡果勇

御製雙義詩圖形紫光閣

奎瑪岱卹給世職

滿名  
臣傳

滿綽爾圖索倫侍衛隨勦阿睦爾撒納以功賞固濟爾巴圖魯嗣  
征回部與達什策楞莫甯察岱屯等率百人捉生口猝爲賊遮  
力鬪矢盡奮突揮以拳莫甯察及岱屯皆戰歿滿綽爾圖受重  
傷自剄不殊遂被執見霍集占瞋目大罵皆盡裂謂天兵卽至  
汝輩滅不旋踵巴圖魯侍衛豈降賊者賊酋怒殺之

詔優加恩卹

御製詩旌焉

御製  
題

宋士印涼州鎮標千總乾隆二十三年從征回部在葉爾奇木力  
戰陣亡

王成玉西甯鎮標把總乾隆二十三年從征回部力戰陣亡

徐天茂甘州提標把總乾隆二十四年運糧送阿克蘇遇賊力戰

陣亡

三州  
志

赫爾喜官昌吉通判戊子流人之亂先期奉檄至烏魯木齊核檢

倉庫聞城陷憤不欲生請於都統溫福願單騎諭賊俾縛渠魁以獻不爾則必手刃其酋不與俱生都統止之不可竟縛渠魁馳去直入賊中以大義再三開導賊皆曰公是好官此無與公事事至此勢不可回赫爾喜知不濟挈刀殺數賊格鬪死當時公論惜之謂於理於法皆可無死而終以殉推是志也雖謂爲常山睢陽可矣故於其柩歸無不哭奠者

通鑑

慶祥滿洲人張格爾之亂喀什噶爾參贊永芹辦理失宜

詔慶祥由伊犁將軍代爲參贊道光六年六月賊攻喀什噶爾引水灌城慶祥悉力守禦殺賊甚衆八月廿五日地道通城陷遂死之其先後死事者侍衛花山布陣亡於烏魯克卡領隊大臣烏凌阿穆克登布陣亡於渾河參將王鴻儀陣亡於都齊特均卹如例 御製憫忠詩用四體字勒石喀什噶爾城彰忠祠

東華錄五  
七文記

黃桂芳湖南善化人道光間官喀什噶爾偏裨賊灌城急桂芳忠

義憤發墜城赴水須臾下流口決合域得慶再生桂芳遂以身

殉民德而祠祀之號方神祈禱輒靈應今祠宇徧南疆云

喀什志

玉努斯喀什噶爾回部郡王道光六年張格爾之亂隨同參贊慶

祥辦理軍務城陷死之照提督例議卹

卹卹

達什策楞木厄魯特宰桑歸順後授散秩大臣將軍兆惠攻霍集  
占命與侍衛滿綽爾圖等率百人捉生口爲賊所遮力戰被執  
不爲屈賊鈎其手足數日乃死 御製詩所云鐵鈎鈎四肢

其死最可憐者

卹卹

敕照陣亡例賜卹滿綽爾圖別有傳

卹卹

愛瑪特庫車回部郡王同治三年五月回變帶兵拒賊力戰陣亡

詔照例議卹

卹卹

伯錫爾哈密回部郡王先世自康熙三十七年編旗世效忠順同

治三年秋漢回焚掠關廂戕把總高萬清城幾不守伯錫爾率  
纒回奮擊賊始西竄四年西路賊陷漢城請巴里坤兵復之傾  
家財以給兵餉復饋糧濟巴城飢軍五年冬賊大股犯境官兵

敗於柳樹泉伯錫爾遣人齎印將赴二城乞援而自禦賊於頭  
堡刀戰被執賊詰請兵狀瞋目唾罵曰請兵欲盡滅狗黨耳手  
奪矛刺二賊斃遂遇害時年七十餘賊割伯克夏斯林耳鼻數  
日始殺之碎骨颺灰焉事聞贈親王建祠哈密以夏斯林阿克

都拉巴海附祀

東華錄及附  
定新四記

李廷舉昌吉拔貢曾官陝西扶風訓導生平言笑不苟事母以孝  
聞母歿水漿不入口者數日廬於墓服闋乃歸同治三年罵賊  
不屈被害子成章舉鄉試武科亦剛正人謂忠節之報云

傳世  
志

連登由鎮西歲貢僑寓古城授徒值回亂攜眷走匿南山賊酋妥  
得璘聞其名遣之敦迫爲記室登由謂家人曰吾讀聖賢書肯  
從賊作入幕賓乎仰藥而死

忠節  
志

黃某奇童貢生佚其名曾官陝西延川教訓本回族也子震邑附  
生當賊陷城時舉家殉難同時古城回民王朝貴者家巨富長  
子廉援例爲太學生同治間回亂初起彼教人迫令從逆不可

乃使次子棟出避難將合家十餘口閉一室中焚之然後自赴

火死

奇臺志  
土志

張和奇臺人集鄉里健兒殺賊自成一隊名與孔才埒同治四年秋戰濟木薩殲賊四五百以功保藍翎六品銜五年秋與巴里坤兵復奇臺古城濟木薩三城六年復哈密遂駐防哈密之三堡明年西路賊大股犯境拒戰力不支死之和戰功最著未邀叙錄遽爾死綏論者悲之同邑附生李恒秀捐貲練團與賊遇

於小屯亦戰死

巴里坤志卷宗及  
奇之志土志

副將李生元李奇都司孔憲明遊擊杜生萬邵芝均濟木薩人與孔才團練殺賊同治六年收復哈密之役二李陣亡憲明生萬芝光緒初從攻瑪納斯均戰死城下

手道鄉  
土志

迪化武舉王秉正義民吳敖徐學敏同治三年六月均以送糧濟軍遇賊鬪死同邑義民徐學弟與其兄學功團練抗賊驍勇善戰賊深憚之同治十一年與帕夏戰於迪化城南中礮陣亡呼

圖壁義民李得興同治三年六月督帶鄉團殺賊被賊支解阜  
康西鄉義民楊寅楊存兄弟也縣令裕厚札令帶勇防堵城陷  
裕厚逃寅存全家殉難同時死事者有外委楊福春又古城義  
民李殿魁於賊圍攻時竭力助守城陷力戰死之閱數日賊屬  
入城棺斂顏色如生其母妻先投井死

西陲圖志及泉源志  
在呼圖壁郡土志

平瑞官烏魯木齊都統同治六年六月逆回妥得璘叛襲據漢城  
時官兵先期派援南疆途中遇覆精壯幾盡滿城僅餘屯勇數  
百人平瑞督勵嬰守閱三月食盡援絕城陷平瑞自焚事聞予  
諡平襄同時獲鎮迪道伊昌阿投井死協領榮慶以下殉難者

百者十員

限定新  
聞記

高吉官本將家子官把總同治四年正月領隊大臣色普詩新率  
巴里坤兵二百援古城吉官實從遇賊於富家塢敗之吉官策  
大股必至謂我兵宜乘勝造城下賊不測多寡圍可解否則必  
危繼以泣諫不見從天曙賊果大至力戰五六時殺賊千餘而

礮筒熱子藥亦盡遂死之色普詩新與協領功訥布佐領惠斌

均陣歿官兵脫者僅數人而賊亦憚巴里坤兵威矣

同治三年

惠慶古城協領同治三年冬西路賊陷漢城遊擊以下均戰死遂圍滿城時領隊大臣保恒病篤惠慶代領其隊誓死守賊數穿隧道實火藥其中以轟城惠慶悉力扞禦晝夜擐甲睥睨間與賊相持百餘日力竭城陷死之城中殉難者七千人

同治四年

博爾果素官塔爾巴哈臺領隊大臣同治四年正月朔逆回米慶伊瑪木等倡亂乘我不備糾眾擁入城官兵倉卒拒出軍器多失回目有以受撫之說進者參贊錫霖慨然率從官往越三日議於城外禮拜寺忽窗隙一矛入博爾果素手格之矛折知事變持半矛瞪目大罵刺米慶洞胸殪焉回眾大噪遂與參贊錫霖理事通判音登額主事富勒裴圖俱殉難明年二月賊陷綏靖城博爾果素之妻及其子驍騎校蒙庫那遜騎都尉察克

都爾扎普同日遇害

同治四年



武隆額同治四年由葉爾羌幫辦大臣升任塔城參贊時塔城危如累卵武隆額撫循士卒力抗賊鋒四月攻賊於二道橋克陣亡營官穆隆阿筆帖式哈蘇和綉額等乃退入城中堅守明年二月城陷率存兵百餘巷戰手刃數賊力竭死之事聞賜祭葬諡威毅同時領隊郭勒那佐領裴音當阿蒙庫拜防禦德克吉布達三泰駢騎校瑪克塔春筆帖式吉勒圖堪智麟查隆泰懷塔布柯什巴圖柯們綠營把總趙榮悉殉難千總甘湧被執不屈賊釘其手足於門數日乃死

順定新  
編記

阿穆爾們布伊犁索倫營總管同治三年十月在惠遠城外隨隊勦賊自晨戰至於日昃賊退入街市堅守阿穆爾們布率十餘騎奮勇撲入大隊接踵攻進賊敗竄城圍立解而阿穆爾們布

歿於陣

伊犁守  
城記略

穆克德柯伊犁協領也同治三年冬賊攻惠甯城急奉檄督隊往援遇賊於地窩堡敗之追奔過皇渠忽纏哈騎賊萬餘從山後

突出橫衝我陣穆克德柯立馬手弓督戰連射前鋒數賊斃而坐馬猝中槍倒其子松齡下馬趨扶則已奮身躍起拔箭射賊應弦墮騎其子曰事亟矣請父乘馬過渠兒步行捍衛穆克德柯曰此地乃吾死所汝速去毋自悞其子不可父子皆力戰死

伊犁守  
城紀略

穆克登額爲惠甯城領隊大臣同治三年冬回變城距金頂寺賊巢僅二十里賊悉衆來攻兵少不能備防勦乃登陴堅守誓與城共存亡將軍數遣兵赴援爲賊截阻不得達明年正月十三日城東地雷發震塌城垣一段正堵禦間賊已由南面攻入遂退守鼓樓接仗三晝夜士卒死亡殆盡穆克登額自焚闔家均殉城中死者二百餘人

伊犁守  
城紀略

額騰額字克亨本伊犁印務章京同治三年十月賊圍攻惠遠城歷七晝夜額騰額調度諸軍親率堵勦連敗之城圍乃解旋隨隊援巴彥岱兩戰於地窩堡均不利殿爲後勁得護隊歸以功

授葉爾羌參贊大臣仍留辦伊犁軍務明年春賊大股犯其營  
伏兵掩擊大敗之追奔二十餘里及惠遠被圍日夜擐甲守陣

飛礮中左目數日死城陷之日闔家殉難

伊犁守城死略

塔勒布伊犁協領同治四年四月與屯鎮總兵沈玉桂等援綏定  
戰於石河子官兵少卻塔勒布按劍瞋目叱曰今日之戰死生  
以之退則綏定休矣督衆復前槍礮齊施賊大敗城圍遂解五  
月隨領隊崇熙進勦行抵地窩堡爲賊所乘收隊還單騎斷後  
射傷追者多人賊磨困之矢盡拔刀斫斃賊目一名沒於陣

伊犁守城

明緒同治三年冬由參贊大臣代常清爲將軍時漢回勾結纏哈  
伊犁遍地皆賊明緒撐支危局大小數十戰四年冬索倫錫伯  
防營受賊擾皆撤隊回兵力愈單遂入城堅守被圍兩月餘糧  
盡煮糠革樹皮爲食餓殍日以百計明年正月城陷明緒與妻  
暨二子一女燃火藥自焚屯鎮總兵沈玉桂領隊大臣崇熙協

領永謙與子佛爾果春佐領額勒津均力戰死軍民殉難幾無

子遺

伊犁守城起事

奎英爲喀什噶爾辦事大臣同治間回變邊城相繼淪陷有不能爲一日守者惟奎英以孤城抗賊士卒効死無二心堅守年餘援兵不至四年七月安集延曾帕夏攻陷之奎英與妾王氏子育俊孫靈景幫辦大臣福珠浚阿妻鈕氏子英俊英敏英志三女一媳赴火自焚

同治三年

庫車辦事大臣薩凌阿英吉沙爾領隊大臣文藝葉爾羌幫辦大

臣武仁布同治三年庫車城陷均死節家屬同殉

同治三年

葉爾羌參贊大臣覺羅奎棟同治三年城陷時與中營遊擊德祥

左營遊擊常順等十三員回官十六同殉難

同治三年

阿克蘇辦事大臣富珠哩同治三年城陷時舉家自焚

同治三年

喀喇沙爾辦事大臣依奇哩同治三年城陷時殉難

同治三年

烏什辦事大臣文興同治三年六月城陷時舉家自焚叢葬於城

內烏赤山上糧餉主事多保印房主事林全卸任主事善奎筆

帖式林慶文泰同殉難

志上

吐魯番領隊大臣榮慶同治三年城陷時殉難

志上

英吉沙爾領隊大臣托克托布同治四年三月城陷時與回務主

事穆圖善伊明阿城守都司常順筆帖式文秀同殉難

志上

烏魯木齊協領隆貴佐領裴凌阿同治三年六月在鞏甯城東陣

亡協領色明阿防禦呢楚赫守備景章同治三年六月在汪家

溝陣亡

志上

昌吉縣典史秦某同治三年六月城陷時罵賊死闔門俱殉

志上

瑪納斯副將崇德知縣段桂林同治三年城陷時同殉難

志上

庫爾喀喇烏蘇領隊大臣文永同治三年五月率兵援喀喇沙爾

至蘇把什遇覆與協領穆克德肯佐領佟瑞都司張維昶均歿

於陣

志上

庫爾喀喇烏蘇守備徐登科同治三年十月朔城陷時舉家自焚

把總長文才亦赴火死兄弟妻子同殉千總費經科姜兆熊把

總三智忠皆戰歿

志士

舒泰庫爾喀喇烏蘇北鄉車排子鄉約同治三年之亂倡團保境旋奉檄赴城助勦奮不顧身連戰皆捷後於五道橋之戰力屈被執厲聲罵賊賊釘其手足於窗仍罵不輟數日乃死

忠節

張委員北直人言者逸其名同治三年回叛都統平公督兵防守

糧缺檄張向呼圖壁督運六月十二日迪化城陷十四日賊西掠張委員聞烏垣失守平公殉節人勸他往張不從及回入城市人倉皇逃竄張從容至巡檢衙署後堂投井死新疆底定傳者多謂巡檢投井死而不知巡檢早棄妻子策蹇而去死者實張一介委員既無城守之責本可以去而守節殉難名字不傳惜哉

安三安四呼圖壁人性豪俠不事產業以樗蒲爲生庸俗每輕賤之同治三年六月十二日賊陷烏垣十三日下昌吉商民逃避

城邑幾空賊至城中員弁皆潛遁市人倉卒不知所向安三安四集好義者十二人指天瀝血誓以必死相與掉臂奮往遇逆回於道相格殺回衆披靡少頃後騎腐至二人肉袒奮呼與諸義民盡力搏擊創甚猶不少懈賊後至者益衆遂與十二人俱遇害

伊犂領隊大臣布和德協守庫爾喀喇烏蘇城陷時與佐領圖蒙額烏魯木齊協領噶魯岱皆戰歿筆帖式彥福自刎死

伊犂守城記

伊犂協領烏勒西春筆帖式恒貴催總額勒春和同治三年十月十二日拒賊於官馬廠戰死同日佐領拉哈哩送糧至那拉特

遇賊歿於陣

伊犂守城記

伊犂領隊大臣托克托奈巴哈善佐領蘇勒通阿同治三年十月勦賊於惠遠城北關力戰歿於陣巡檢趙鴻儀被執不屈賊釘

之店門死尤慘

伊犂守城記

巴里坤驍騎校都納恩委前鋒喜成同治六年夏規取濟木薩歿

於陣

欽定新  
疆紀

管官姚鳳林同治八年秋禦賊於哈密陣亡

欽定新  
疆紀

管官馬進福同治九年十月率定西中營截勦竄回戰四晝夜死

欽定新  
疆紀

管官馬金貴同治十一年禦賊於達坂城陣亡

欽定新  
疆紀

管官唐雲漢馬興業沈廷秀同治十一年攻賊曾帕夏於迪化力

戰陣亡

欽定新  
疆紀

管官劉珍郭天保王復興田樹青同治十二年七月禦竄曾白彥

虎於哈密屬地之大橋迤西力戰陣亡

欽定新  
疆紀

哨官李萬隆同治十三年擊賊於沙山力戰陣亡

欽定新  
疆紀

管官李發桂光緒元年二月以三騎險渠賊突出圍攻相持至暮

右脅中槍猶力疾死鬪孔才馳救得免旋以傷殞

欽定新  
疆紀

總兵馮桂增光緒二年正月從攻瑪納斯北城裏創血戰力竭被

擒罵賊死

欽定新  
疆紀



營弁陳百順富全凌萬準光緒二年從攻古牧地迪化州力戰陣

亡

附定新  
圖記

佐領永林光緒二年七月追賊於頭屯河歿於陣

附定新  
圖記

提督楊必耀總兵李大洪熊佑琳參將陸輝光遊擊胡耀羣管官

張大發司世道楊占魁光緒二年七月從攻瑪納斯南城力戰

陣亡

附定新  
圖記

總兵譚聲俊等光緒三年從攻達坂城力戰陣亡

附定新  
圖記

提督王慶福總兵曾又得都司楊玉昌守備楊寶林李景清廖翰

卿千總孫得勝康福梁得勝把總鄧臣忠鄢得勝於收復喀喇

沙爾庫車兩城力戰陣亡

附定新  
圖記

總兵朱成其副將楊隆輝陳祥發參將馬正揚都司成聯吉守備

戴有鵬徐九德譚雲芳千總羅仁富趙福林把總崔仁馬成旺

光緒三年九月於克復阿克蘇烏什兩城力戰陣亡

附定新  
圖記

提督鍾興發副將張興隆都司謝得勝成東來何得所守備楊占

魁黃發喜陳崇元譚榮發千總滿永得傳得勝康祖振楊春勝  
戴國志葉得勝把總張富全黃鎮海周得勝胡春華光緒三年

十一月於收復西四城力戰陣亡

英俄

副將丁遠孚都司蕭夢益守備彭福泰李富貴把總張發華羅中

英梁得勝外委石有元主簿歐陽紅光緒四年防勦逃匿俄境

之陝回及安集延曾力戰陣亡

英俄

總兵李青雲陳大根副將沈煦階參將李春廷周桂蘭都司陳松

廷孫吉祥守備王永朝千總龍碧雲張保林周喜祥王銓衡王

益生把總鄒鳳玉朱有福沈福隆羅文燦陳仁光緒五年正月

防勦布魯特安集延力戰陣亡

英俄

參將王克德遊擊柏林都司余繼康守備黃龍耀千總井養成辛

金賈福堂把總謝占鼐趙連珠趙鳳祥楊義林李成義蕭德春

尙廷珍王新臣劉全成劉忠發湛意誠外委沈福橋光緒五年

秋防勦犯邊賊曾力戰陣亡

英俄



新疆圖志卷一百十二

忠節二

漢

馮嫫楚主解憂侍者爲烏孫大將軍妻能書史習事嘗持漢節爲楚主行賞賜於城郭諸國皆敬信之號爲馮夫人都護鄭吉遣嫫說烏就屠降烏就屠恐願得小號帝徵嫫至京師問狀詔乘錦車持節詣持谷城立烏就屠爲小昆彌

唐

麴母佚其氏司膳卿麴昭母也昭祖文泰本高昌王貞觀中國滅故麴氏徙京師父智湛官西州刺史早卒昭幼好學母顧笥中金歎曰何愛此不使子有異聞乎盡持以易書昭遂能辭章弟裕有武藝

元

穆威蘇原作外阿克蘇國主哈噶斯妻也哈噶斯從征還遇敵戰歿

太宗刺穆威蘇領兵守其國躬擐甲胄平寇亂以次子阿法布

原作法主國事元史

徐氏南宿州鎮將北庭呼圖克妻也生子貝降見人甫數月呼圖克

卒氏盛年守節教子方嚴曰吾惟一子不可使不知學比貝降

貴上其事於朝持旌其門及老見貝歷降官有聲喜曰有子如

此吾死可瞑目矣元史

高麗氏宣慰副使高昌博羅特穆爾見忠妻也至正二十七年博羅

特穆爾罵賊死氏泣曰夫既死矣安能復事人乎乃積薪塞戶

自焚死元史列女傳

國朝

葉依木者葉爾羌阿奇木鄂對妻也乾隆二十九年烏什之亂逆

黨潛煽各城蠢動時葉依木在其子庫車阿奇木鄂斯滿處聞

之急馳歸置酒召諸阿渾愛曼責以大義諭以禍福且使回女

歌舞侑觴飲盡醉而陰遣人收其軍械驅其馬牧百里外山澤

問人心始定乃命子鄂斯赴烏什助勦焉

聖人記

哈密回王伯錫爾之妾纏回女也同治五年冬西路賊犯哈密

伯錫爾殉難妾亦罵賊死賊馬踐其屍如泥事聞

特旨旌表

伯克木庫伊犂錫伯營婦婦盛年守義家奴三吉欲強污之不從  
迫之叫罵益厲奴憤扭折其頸骨立斃火其居以滅迹經將軍  
保甯訪實將奴凌遲處死疏上其事於朝奉

特旨旌表並著永爲定例凡新疆各部落婦女遇有此等均照

內地請旌此嘉慶四年事也

新編

奇臺雙烈佚其氏世居邑之木壘河小姑未字嫂童養亦未成婚  
家貧父早歿鄰有無賴子涎其色一日丐其母爲己妻導產而  
而返身履闔肆強暴雙烈捍誓不從一被殺一羞忿自盡官置  
無賴子於法具題請旌並於縣城建專祠焉古城富室張  
成復捐貲立祠於木壘街市同治間均毀於兵燹碑記無存或

曰張成家有火警舉室屏睡未覺雙烈現形喚救得撲滅其事

怪不具論云

志上

曾氏迪化縣民家女幼嫻禮法及笄歸候補知府張開鑑爲窻室  
光緒廿三年開鑑任迪化府知府卒於官氏年僅二十誓以身  
殉家人防之嚴數日未得間也及殯事畢乘防者稍懈遂服煙  
死巡撫饒應祺欽其從容就義親臨奠醊爲請旌建坊焉

王氏綏來客民陝人蒲廷佐妻也夫死誓不他適鄰戶潘某賄其  
父母將強奪氏志氏度不能免服毒死縣令黃廷珍重懲潘姓  
請於大府題旌表

陳張氏綏來黑涼灣民婦也其姑苦節四十年氏事之以孝謹聞  
未幾夫歿勵節養姑鄰戶杜姓虎而冠者也率羣不逞劫取之  
氏沿途誓不絕聲入門卽竊火其馬棚衆撲救氏遂乘間逃縣  
令黃廷珍聞之懲杜姓而旌其廡

志上

張氏古城民馮克仁妻同治三年回亂氏隨夫走南山避焉賊曾

聞其妍麗欲奪之率黨圍困氏歎曰吾生長清門肯失節於賊耶以襟覆面擲身崖下而死

王節婦古城民王林妻林早卒氏矢志靡他撫孤奉養等成立嚴加訓勉以賢遷致富光緒十六年 旌表

李節婦古城東鄉民李因之妻光緒二十六年因病故家貧無子氏捐生以殉紳約等恐其湮沒稟縣立案

閩氏呼岡壁民任滿禮妻滿禮歿氏年二十絕粒而死光緒三十年 旌表

張氏呼岡壁和莊戶民焦祿妻祿病歿三日而葬氏攜兒女慟哭於堊吞煙以殉時年二十餘現咨部請 旌表

張氏庫爾喀喇烏蘇民蔡大會妻也光緒四年大會卒氏年二十一家貧翁老一子甫周歲翁及母力勸改適顯宦氏矢志不從養翁撫孤足迹不出庭戶廳承陳純治矜其志顏其廬曰節孝賢聲今已自首完貞矣請 旌之舉當以俟之異日



高氏甯遠商民羅禧之妻結縭三載禧卒氏甫年二十忍死撫孤  
堅貞自守未幾一子一女均以痘殤氏憂勞成瘵飲冰茹蘗者

二十三年而歿閩里無間言光緒二十八年 旌表

伊犁商民高滿良之妻高黃氏嘉慶七年 旌表

伊犁商民郭德之妻郭康氏嘉慶十三年 旌表

古城民婦王劉氏光緒四年 旌表建坊西關外

伊犁惠遠城滿營協領赫僧額之繼妻吳佳氏

筆帖式富增阿之妻伊爾根覺羅氏

防禦泰永之妾李佳氏

驍騎八十九之繼妻舒舒覺羅氏

前鋒班達爾什之妻阿巴哈那爾氏

馬甲金格之妻瓜勒佳氏

馬甲根保之繼妻吳札拉氏

馬甲色克圖之妻李佳氏

馬甲德常之妻楊佳氏

馬甲東果爾之繼妻伊爾根覺羅氏

馬甲沙金泰之妻富佳氏

馬甲賽圖之妻磊格爾氏

馬甲三常之妻章佳氏

馬甲六十八之妻沙佳氏

馬甲朱爾松額之妻烏玉特氏

馬甲烏凌阿之妻宋佳氏

馬甲索蘭泰之妻業格勒氏

馬甲明安泰之妻岱佳氏

馬甲薩爾億阿之妻甯佳氏

馬甲六十八之妻楊佳氏

馬甲德仙寶之妻吳佳氏

馬甲唐宗阿之妻曹佳氏

馬甲富色納之妻伊拉里氏

馬甲舒明阿之妻瓜勒佳氏

馬甲盛德之妻喬佳氏

馬甲明安泰之妻楊佳氏

馬甲春得之妻古魯特氏

馬甲萬步之妻杭阿太氏

馬甲富明阿之妻章佳氏

馬甲七十六之妻章佳氏

馬甲更音布之妻李佳氏

馬甲永魁之妻瓜勒佳氏

馬甲承德之妻李佳氏

馬甲德甯之妻姚佳氏

步甲塔蘭泰之妻王佳氏

步甲巴常阿之妻敖佳氏

步甲明保之妻韓佳氏

步甲圖薩泰之妻宋佳氏

養育兵四十一之妻富察氏

壯丁官保之妻黃鄂羅特氏

以上五歲五年  
其妻

防禦代明阿之妻舒穆爾佳氏

委前鋒小旗布章阿之妻王佳氏

馬甲保平之妻于佳氏

馬甲畢拉岱之妻康佳氏

馬甲長善保之妻瓜勒佳氏

礮手富森布之妻白佳氏

以上五歲六年  
其妻

馬甲額爾登布之妻瓜勒佳氏

馬甲雅達納之妻劉氏

以上五歲七年  
其妻

前鋒校丁柱之妻董佳氏

馬甲托錦之妻李佳氏

馬甲海桑阿之妾王氏

馬甲札什之妻陳佳氏

馬甲赫綉額之妻何佳氏

以上嘉慶八年

前鋒都隆阿之妻杭噶泰氏

前鋒佛爾圖之妻聶佳氏

前鋒額勒京額之妻楊佳氏

馬甲雙魁之妻于佳氏

馬甲富格之妻托霍爾吉氏

馬甲蘇當阿之妻富佳氏

馬甲七十八之妻珠佳氏

馬甲保泰之妻白佳氏

馬甲德泰之妻伊爾覺羅氏

馬甲烏林之妻瓜勒佳氏

馬甲達春保之妻伊爾根覺羅氏

馬甲挖金泰之妻唐佳氏

步甲綽克托之妻圖克敦氏

步甲連角之妻舒穆魯氏

閒散蘇扎布之妻烏佳氏

閒散克什克特依之妻楊佳氏

閒散舍靈阿之妻李佳氏

閒散納斯圖之妻丁氏

以上五人  
均系

協領常德之妾張氏

佐領胡圖克之妾段氏

前鋒達福之妻那拉氏

前鋒馬家保之妻司特氏

前鋒明德之妻索綽里氏

前鋒伍蘭布之妻張佳氏

前鋒小旗烏林德之妻博爾吉圖氏

前鋒校舒林太之妻烏佳氏

前鋒永舒保之妻佟佳氏

前鋒康保之妻孟佳氏

前鋒蘇章阿之妻白佳氏

前鋒惠太之妻瓜勒佳氏

前鋒齊楞太之妻額木特里氏

前鋒三神保之妻張佳氏

前鋒塔清阿之妻聶佳氏

前鋒花尙阿之妻潘佳氏

領催霍甯阿之妻伊佳氏

馬甲吉靈阿之妻瓜勒佳氏

馬甲花吉泰之妻那佳氏

馬甲德楞額之妻瓜勒佳氏

馬甲桑安泰之妻額奢爾氏

馬甲黃狗之妻顏氏

馬甲烏成保之妻張佳氏

馬甲那木札布之妻張佳氏

馬甲哈吉噶爾之妻鄂特沁氏

馬甲凝珠太之妻拜依特氏

馬甲明福之妻布拉吉特氏

馬甲和林太之妻伊爾根覺羅氏

馬甲金柱之妻陳佳氏

馬甲烏雲保之妻瓜勒佳氏

馬甲順太之妻瓜勒佳氏

馬甲雅爾布之妻王氏

馬甲達色之妻樊佳氏

馬甲金果爾之妻何佳氏

馬甲修保之妻瓜勒佳氏



馬甲七十八之妻李氏

馬甲秦甯之妻瓜勒佳氏

馬甲豐申布之妻李佳氏

馬甲伊都里之妻瓜勒佳氏

馬甲百壽之妻馬佳氏

馬甲吉爾噶之妻陳氏

馬甲薩爾太之妻于佳氏

馬甲四十三之妻范氏

馬甲佛爾太之繼妻齊布蘇氏

馬甲泥占之妻張佳氏

馬甲富甯之妻什保沁氏

馬甲富德之妻章佳氏

馬甲崇德之妻特碩爾氏

馬甲烏林岡之妻烏爾古齊氏

以上五世十  
年共表

馬甲麒麟布之妻瓜勒佳氏

馬甲馬太之妻烏爾古齊氏

步甲德克精額之妻馬佳氏

閒散清善之妻鈕鈷祿氏

以上高麗十一年 旌表

馬甲永安之妻伊拉里氏

馬甲明寶柱之妻王佳氏

馬甲賽尙阿之妻瓜勒佳氏

步甲七十四之妻李佳氏

以上高麗十二年 旌表

前鋒元寶之妻定佳氏

馬甲果善之妻東佳氏

以上高麗十四年 旌表

前鋒校富云布之妻葉赫呼氏

閒散七星保之妻莽努特氏

馬甲福利亮之妻李佳氏

以上高麗十五年 旌表

馬甲陞格之妻舒舒覺羅氏

步甲呢音球太之妻瓜勒佳氏

以上嘉慶十六年  
旌表

馬甲諾勒布之妻溫都氏

馬甲格僧額之妻堂佳氏

馬甲奇景太之妻馬佳氏

以上嘉慶十七年  
旌表

馬甲長安之妻葉格氏

馬甲巴彥格爾之妻唐佳氏

馬甲海隆阿之妻何佳氏

馬甲七克騰之妻石佳氏

閒散六十三之妻穆佳氏

以上嘉慶十九年  
旌表

馬甲阿常阿之妻唐氏

馬甲崇山保之妻愛新舒舒氏

馬甲錫新泰之妻李佳氏

前鋒小旗烏勒登額之妻烏佳氏

閒散蘇勒芳阿之妻瓜勒佳氏

以上嘉慶二十年  
旌表

伊犁惠甯城滿營前鋒永興之妻趙督特氏

馬甲富長阿之妻李佳氏

馬甲前保之妻烏素氏

馬甲陳保之妻鄂卓羅氏

馬甲西金太之妻馬佳氏

馬甲富修保之繼妻瓜勒佳氏

馬甲舒長之妻富查氏

馬甲佛爾青俄之妻金佳氏

馬甲博奇善之妻金佳氏

馬甲吉爾張阿之妻肖佳氏

馬甲美格之妻格爾忒氏

馬甲圖門太之妻孟佳氏

馬甲札布尙阿之妻達爾噶特氏

馬甲素明阿之妻吳札拉氏

馬甲多林之妻吳山特氏

馬甲薩甯阿之妻柯爾可里氏

馬甲伯景阿之繼妻瓜勒佳氏

馬甲福星保之妻伯于特氏

馬甲萬家保之妻瓜勒佳氏

馬甲保永之妻德都里氏

馬甲正家保之妻西克德里氏

養育兵愛仁阿之妻齊布素氏

養育兵齊林之妻桃佳氏

壯丁富朱里之妻納木都魯氏

壯丁富平之妻瓜勒佳氏

壯丁善清阿之妻德都里氏

以上五  
員表

馬甲舒倫布之妻托霍爾齊氏

馬甲吳爾當阿之妻何舍哩氏

馬甲成官之妻何舍哩氏

馬甲赫綳俄之妻齊樂特氏

馬甲德曾之妻伊特木氏

馬甲阿爾綳阿之繼妻納木都魯氏

領催賁巴之繼妻沈佳氏

以上房慶六年  
九表

馬甲朔隆烏之妻殷佳氏

壯丁連福之妻卓卜扈特氏

以上嘉慶七年  
九表

馬甲烏林德之妻富察氏

馬甲黑格之妻吳佳氏

馬甲萬靈保之妻吳木特氏

馬甲赫德之妻吳由特氏

馬甲烏爾清阿之妻伊爾根覺羅氏

以上嘉慶八年  
九表

馬甲興太之妻吉木忒氏

馬甲舒善之妻瓜勒佳氏

馬甲登格之妻陶佳氏

馬甲七十九之妻陳佳氏

馬甲愛隆阿之妻瓜勒佳氏

馬甲德順之妻奇塔拉氏

馬甲舒明之妻吉勒塔里氏

馬甲巴雅爾圖之妻趙佳氏

以上嘉慶九年  
八月

前鋒英善之妻巴里特氏

馬甲忠福之妻額卓氏

以上嘉慶十年  
八月

馬甲祿善之繼妻博爾吉特氏

馬甲大喜之妻拜雅爾氏

以上嘉慶十一年  
八月

馬甲富明阿之妻喀齊特氏

馬甲伊桑之妻薩麻爾氏

以上嘉慶十二年  
八月

馬甲鄂勒金布之妻卜斯霍里氏

馬甲阿郎阿之妻伊拉里氏

馬甲毓常阿之妻伊爾根覺羅氏

以上五十四年  
陸表

委前鋒善德之妻葉赫里氏

馬甲福倫之妻朱魯特氏

委前鋒葉布肯額之妻瓜勒佳氏

馬甲百齡之妻舒穆魯氏

馬甲豐申額之妻拜牙里圖氏

以上五十六年  
陸表

馬甲阿爾桑阿之妻趙佳氏

馬甲塔清阿之繼妻納拉氏

馬甲碩登阿之妻王佳氏

馬甲福星之妻卓特氏

領催舒明阿之妻烏色氏

養育兵錫格之妻塔爾達氏

以上五十七年  
陸表

馬甲花善保之妻李佳氏

馬甲穆騰額之妻瓜勒佳氏



馬甲費彥吉善之妻楊呢雅氏

以上五十一歲十八  
歲夫

馬甲柯星額之妻瓜勒佳氏

馬甲庚音布之妻瓜勒佳氏

領催黑星保之妻同吉氏

以上五十一歲十九  
歲夫

委前鋒封生俄之妻薩克達氏

馬甲來哥之妻李佳氏

馬甲納參太之妻伊拉里氏

以上五十一歲二十一  
歲夫

伊犁錫伯營披甲鄂爾額倫之妻果爾吉氏

披甲達木寶之妻烏札拉氏

披甲老格之妻瓜勒佳氏

披甲長保之妻吳佳氏

以上五十一歲五  
歲夫

披甲舒舒爾之妻胡斯哈哩氏

披甲七十之妻瓜勒佳氏

以上五十一歲十三  
歲夫

聞散札木素之妻富佳氏

披甲祿德之妻和葉爾氏

以上嘉慶十五年六月

內奏

披甲噶巴勒圖之妻汗佳氏

披甲巴雅爾之妻賽佳氏

披甲托云太之妻赫葉爾氏

以上嘉慶十八年九月

內奏

伊犁索倫營馬甲金德之妻和英氏

馬甲愛屯之妻莫爾第音氏

馬甲博勒狠保之妻敖拉氏

驍騎校普柯勒圖之繼妻莫爾第音氏

馬甲叟音保之妻莫爾第音氏

馬甲巴屯察之妻圖克敦氏

馬甲薩林大之妻敦拉氏

馬甲拂林保之妻果布勒氏

馬甲噶察之妻敖拉氏

領催交保之妻敖拉氏

馬甲愛崇阿之妻倭勒氏

馬甲阿木齊古勒之妻都拉氏

以上各居二十一年 均去

級來縣知縣劉某湖南湘陰人有妾某氏年十八九歲光緒二十六年劉卒於任其妾仰藥以殉

劉玲貞秦省邠人也其父補用都司實任撫標左營前哨千總劉扶漢之女母劉謝氏亦以賢淑稱生三子二女玲貞其季也玲貞生自邊庭年僅一十三歲性和順鄉里以孝稱尤能通孝經女訓內則諸書於孝義節烈事蹟每流連不釋手蓋其天性然也宣統二年正月二十八日劉謝氏病劇玲貞躬侍湯藥每進必先嘗之衣不解帶者二十餘日自此肌膚銳減常深夜號泣焚香願以身代母及母病彌留以死自誓至二月二十日劉謝氏臥不起玲貞親視含殮式禮無愆晝夜常伏柩旁水漿不入口者數日哀毀逾常痛不欲生越翌日竟仰藥死會楊兆蓉等聯名出結稟請迪化縣加結轉詳蒙三司會銜轉請撫院聯帥

以髫年至性殉母捐生孝烈可嘉據情照章造具結冊咨明禮部並咨陝甘總督於宣統二年十二月彙奏奉旨依議於宣統二年三月十七日迪化府行知在案准該州縣建祠立坊以慰孝思